

Zatočil, Leopold (editor)

Sǫgu-báttr af Nornagesti

In: Zatočil, Leopold. *Sága o Volsunzích*. Vyd. 1. Praha: Státní pedagogické nakladatelství, 1960, pp. 84-92

Stable URL (handle): <https://hdl.handle.net/11222.digilib/119082>

Access Date: 16. 02. 2024

Version: 20220831

Terms of use: Digital Library of the Faculty of Arts, Masaryk University provides access to digitized documents strictly for personal use, unless otherwise specified.

SQGU-þÁTTR AF NORNAGESTI

I.

Svá er sagt, at á einum tíma, þá er Óláfr konungr sat í þróndheimi, bar svá til, at einn maðr kom til hans at áliðnum degi ok kvaddi hann scemiliga. Konungr tók honum vel ok spurði, hvern han væri, en hann sagdiz Gestr heita. Konungr svarar: „gestr muntu hér vera, hversu sem þu heitir.“ Gestr svarar: „satt segi ek til nafns míns, herra, en gjarna vilda ek at yðr gisting þiggja, ef kostr væri. Konungr sagði honum pat til reidu vera. En með því, at álidinn var dagr, vildi konungr ekki tala við gestinn, því at hann gekk þá skjótt til aptansongs ok síðan til bords ok þá til svefns ok náða. Ok á þeiri sömu nótt vakti Óláfr konungr Tryggvason í säng sinni ok las böni sínar, en aðrir menn allir sváfu í því herbergi; þá þótti konungi einn álfr eða andi nökkurr koma inn í húsit ok þó at luktum dyrum qlum; hann kom fyrir rekkju hvers manns, er þar svaf, ok at lyktum kom hann til sængr eins manns er þar lá útarliga. Þá nam álfrinn stáðar ok mælti. „furðu sterkr láss er hér fyrir tómu húsi, ok er konungr eigi jafnvíss um slíkt, sem aðrir láta, at hann sé allra manna spakastr, er hann sefr nú svá fast“. — Eptir pat hverfr sá á brott at luktum dyrum. En snemma um morgininn eptir sendir konungr skósvein sinn at verða víss, hvern þessa seng hafði bygt um náttina; prófadiz svá, at þar hafði legit gestrinn. Konungr lét kalla hann fyrir sik ok spurði, hvers son hann væri. — En hann svarar: „þórðr hét faðir minn ok var kallaðr þingbítr, danskr at kyni, hann bjó á þeim bœ í Danmörk, er Grœningr heitir. — „þrifligr maðr ertu!“ segir konungr. — Gestr sjá var djarfr í orðum ok meiri, en flestir menn aðrir, sterkligr ok nökkut hniginn í efta aldr; hann biðr konung at dveljaz þar lengr með hirdinni. Konungr spurði, ef hann væri kristinn; Gestr léz vera prímsigndr, en eigi skírdr. Konungr sagði honum heimilt at vera með hirdinni — „en skamma stund muntu með mér óskirðr.“ — En því hafði álfrinn svá til orðs tekit um lásin, at Gestr signdi sik um kveldit, sem aðrir menn, en var þó reyndar heidinn. — Konungr mælti: „ertu nökkurr íþróttamaðr?“ Hann kvaz leika hórpum eða segja sögur, svá at gaman þötti at. Konungr sagði þá: „illa gerir Sveinn konungr þat, at hann lætr óskírða menn fara ór ríki sínu landa á medal.“ Gestr svarar: „ekki er þat Danakonungi at kenna, því at miklu fyrri fór ek brott ór Danmörk, en Ottó keisari lét brenna Danavirkni ok kúgadi Harald konung Gormsson ok Hákon blótjarl at taka við kristni“.

Margra hluta spyrr konungr Gest, en hann leysir flest vel ok vitrliga. Svá segja menn, at Gestr pessi kœmi á þridja ári ríkis Ólafs konungs til hans.

Á því ári kómu ok til hans þeir menn, er Grímar hétu, ok váru sendir af Guðmundi af Glasisvöllum. þeir færðu konungi horn tvau, er Guðmundr gaf honum, þau kölluðu þeir ok Gríma. þeir höfðu ok fleiri erindi til konungs, sem síðar mun sagt verða. Nú er þat at segja, at Gestr dvaldiz med konungi; er honum skipat útar frá gestum; hann var síðsamr maðr ok látaðr vel, var hann ok þokkasamr af flestum mónum ok virðiz vel.

II.

Litlu fyrir jól kom heim Úlfr inn raudi ok sveit manna með honum; hann hafði verit um sumarit í konungs erindum, en var settr til landgæzlu um haustit í Vikinni við áhlaupum Dana; var hann jafnan vanr at vera með Ólafi konungi um hávetri. Úlfr hafði at foera konungi marga góða gripi, er hann aflaði um sumarit, ok einn gullhring hafði hann aflat, er Hnitudr hét, því at hann var hnitaðr saman í sjau stóðum, ok var með sínum lit hverr hlutrinn; miklu var hann gullbetri en aðrir hringar. þann hring gaf Úlf einn bóndi, sá er Loðmundr hét, en þenna hring hafði áðr átt Hálfr konungr, er Hálfsrekkar eru við kendir, er þeir höfðu kúgat fé af Hálfdani konungi Yfing; en Loðmundr beiddi Úlf í móti, at hann mundi halda bönum fyrir honum með fulltingi Ólafs konungs; Úlfr játadi honum því.

Heldr konungr nú jól sín ríkuliga ok sitr í þróndheimi; en inn átta dag jóla gefr Úlfr inn raudi hringinn Hnitud Ólafi konungi. Konungr þakkar honum gjófina ok alla þá trúlynda þjónustu, er hann hefði jafnan veitt honum. Ferr pessi hringr víða um herbergit, þar er menn drukku inni, því at þá váru eigi hallir smíðadar í þann tíma í Noregi; sýnir nú hverr qðrum ok þykkjaz menn eigi sét hafa jafngott gull, sem í hringinum var, ok at lyktum kemr hann á gestabekk ok svá fyrir gest inn ókunna; hann lítr á ok selr aptr hringinn yfir þvera hǫndina, þá er hann helt áðr á kerinu; finnz honum fátt til ok talar ekki til þessa gripar, en hefir gamanrœður, sem áðr, við sína félaga. Einn herbergis-sveinn skenkti útar á bekkinn gestanna, hann spyrr: „líz yðr vel á hringinn?“ — „Allvel“, soðdu þeir, „útan gesti inum nýkomna; honum finnz ekki til, ok þat hyggju-vér, at hann kunni ekki til at sjá, er hann ansar ekki um slíka hluti“. Herbergis-sveinninn gengr innar fyrir konung ok segir honum þessi in sömu ord gestanna, ok þessi inn komni gestr, hversu hann ansaði lítt til þessa gripar, er honum var sýnd slík gersimi. Konungr sagði þá: „gestr inn komni mun fleira vita, en þér ætlið, ok skal hann koma til míni í morgin ok segja mér nokkura soðu“.

Nú jafnfram talaz þeir við gestirnir útar á bekkinn; þeir spyrja inn nýkomna gest, hvar hann hefir sét jafngóðan hring eda betra. — „Med því, at yðr þykkir undarligt, at ek tala svá fátt til, þá hefi ek víst sét þat gull, at öngum mun er verra, nema betra sýniz“. — Nú hlæja konungsmenn mjók ok segja svá: „hér horfiz til

gamans mikils; ok muntu vilja vedja við oss, at þú hafir sét jafngott gull sem petta, svá at þú meginr þat sanna; skulu-vér við setja fjórar merkr gangsilfrs, en þú kníp pinn ok belt, ok skal konungr um segja, hvárir sannara hafa.“ — Gestr sagði þá: „eigi skal nú hvártveggja gera, vera í kalsi með yðr, enda halda eigi ummæli þau sem þér bidid, ok skal víst vedja hér um ok svá mikit við leggja, sem þér hafit um mælt, en konungr skal um segja, hvárir sannara hafa.“

Hætta þeir nú sínu tali, tekr Gestr hörpu sína ok slær vel ok lengi um kveldit, svá at öllum þykkir unad í á at heyra, ok slær þó Gunnarsslag bezt, ok at lyktum slær hann Guðrúnarbrögð in fornu, þau hoftu menn eigi fyrr heyrt; ok eptir þat sváfu menn af um nöttina.

III.

Konungr stendr snemma uppum morguninn ok hlýdir tíðum; ok er þeim er lokit, gengr konungr til bords með hirð sinni; ok er hann er kominn í hásæti, gengr gestasveitin innar fyrir konung ok Gestr með þeim, ok segja honum sín ummæli öll ok vedjan þá sem þeir hoftu haft áðr. Konungr svarar: „lítit er mér um vedjan ydra, þó at þér setið penninga ydra við; get ek þess til, at yðr hafi drykkr í hoftu fengit, ok þykki-mér ráð, at þér hafid at öngu, allra helzt, ef Gesti þykkir svá betri“. — Gestr svarar: „þat vil ek, at haldiz öll ummæli vár!“ — Konunger segir, at svá skal vera — „en svá líz mér á þik, Gestr, at mínir menn muni hafa mælt sik í paular um petta mál meir en þú, en þó mun þat nú skjótt reynt verða.“

Eptir þat gengu þeir í brott ok fóru menn at drekka, ok er drykkjubord váru upp tekin, lætr konungr kalla Gest ok talar svá til hans: „nú verdr þú skyldr til at bera fram gull nokkut, ef þú hefir til, svá at ek megi segja um vedjanina með yðr.“ — „þat munu-þér vilja, herra!“, sagði Gestr; hann preifar þá til sjóðs eins, er hann hafði við sik, ok tók þar upp eitt knýti ok leysir til ok fær í hendr konungi. Konungr sér, at þetta er brotit af söðulhringju, ok sér, at þetta er allgott gull; hann biðr þá taka hringinn Hnitud, ok er svá var gert, berr konungr saman gullit ok hringinn ok mælti síðan: „víst líz mér þetta betra gull, er Gestr hefir fram borit, ok svá mun litaz fleirum mónum, þó at sjái;“ sonnuðu þetta þá margir menn með konungi; síðan sagði hann Gesti veðfít, þóttuz gestirnir þá ósvinnir við orðnir um þetta mál. — Gestr mælti þá: „takid fé ydvart sjálfir, því at ek þarf eigi at hafa, en vedid ekki optar við ókunna menn, því at eigi vitu-þér, hvern þér hittið pann fyrir, at bædi hefir fleira sét ok heyrt en þér; en þakka vil ek yðr, herra, órskurdinn!“ — Konungr mælti þá: „nú vil ek, at þú segir, hvaðan þú fekt gull þat er þú ferr með“. Gestr svarar: „trauðr em ek þess, því at pat mun flestum þykkja ótrúligt, er ek segi þar til.“ „þó viljum vér heyra,“ segir konungr, „ok man þat vel fallit, med því at þú hefir oss áðr heitit sögu þinni.“ Gestr svarar: „ef ek segi yðr, hversu farit er um gullit, þá get ek, at þér vilid heyra adra sögu hér með.“ „Vera má þat,“ segir konungr, „at rétt getir þú þessa.“

þá mun ek segja frá því, er ek fór suðr í Frakkland; vilda ek forvitnaz um konungs síðu ok mikit ágæti, er fór frá Sigurði Sigmundarsyni um vænleik hans ok þroska. Vard þá ekki til tíðinda, fyrr en ek kom til Frakklands ok til móts við Hjálprek konung; hann hafdi mikla hird um sik. þar var þá Sigurðr Sigmundarson Voſlungssonar ok Hjordíſar Eylimadóttur. Sigmundr fell í orrostu fyrir Hundings sonum, en Hjordíſi giptiz Álfí, syni Hjálpreks konungs. Vex Sigurðr þar upp í barnesku ok allir synir Sigmundar konungs; váru þeir umfram alla menn um af ok voxt, Sinfjötlí ok Helgi, er drap Hunding konung ok því var hann Hundingsbani kallaðr; príði hét Hámundr. Sigurðr var pó allra peira brœðra framast; er mónum pat ok kunnigt, at Sigurðr hefir verit gófgastr allra herkonunga ok bezt at sér í fornum síð.

þá var ok kominn til Hjálpreks konungs Reginn, son Hreiðmars; hann var hverjum manni hagari ok dvergr á voxt, vitr maðr, grimmr ok fjölkunnigr; Reginn kendi Sigurði marga hluti ok elskadi hann mjók. Hann sagði þá frá forellri sínu ok svá atburðum undarligum, er þar hoſdu gerz; ok er ek hafða skamma stund þar verit, gerðumz ek þjónustumaðr Sigurðar, sem margir aðrir; allir elskuðu hann mjók, því at hann var bæði blíðr ok lítillátr ok mildr af fé við oss.

þat var einn dag, at vér Sigurðr kómum til húsa Regins ok var Sigurði þar ve fagnat.

Sigurðr var þá jafnan með Regin, ok hann sagði honum mart frá Fáfni, er hann lá á Gnítahéidi í orms líki, ok at hann var undarliga mikill vexti. Reginn gerði Sigurði sverð, er Gramr hét; þat var svá snarpeggjat, at hann brá því í ána Rín ok lét reka ofan at ullanlagd fyrir strauminum ok tók í sundr lagðinn sem vatnit. Síðan klauf Sigurðr stedja Regins með sverðinu. Eptir þat eggjaði Reginn Sigurð, at drepa Fáfni bróður sinn.

Eptir petta býr Sigurðr ferd sína ok ætlar at herja á Hundings sonu, ok fær Hjálprekr konungr honum mart lið ok nokkur herskip. Í þessi ferd var með Sigurði Hámundr, bróðir hans, ok Reginn dvergr; ek var ok þar, ok kölluðu þeir mik þá Norna-Gest. Var Hjálpreki konungi kunnleiki á mér, þá er hann var í Danmörk með Sigmundi Voſlungssyni. þá átti Sigmundr Borghildi ok skildu þau svá, at Borghildr drap Sinfjötlá, son Sigmundar, með eitri. Síðan fekk Sigmundr suðr í Frakklandi Hjordíſar Eylimadóttur, er Hundings synir drápu, ok átti Sigurðr bæði at hefna födur síns ok móðurföður. Helgi Sigmundarson, er Hundings bani var kallaðr, var bróðir Sigurðar, er síðan var kallaðr Fáfnisbani. Helgi, bróðir Sigurðar, hafði drepit Hunding konung ok sonu hans þrjá: Eyjúlf, Hervard, Hjorvard. Lyngvi

komz undan ok tveir brœdr hans, Álfr ok Hemingr. Váru þeir inir frægstu menn um alla atgervi ok var Lyngvi fyrir þeim brœdrum; þeir váru mjók fjölkunnigir; þeir hofdu kúgat marga smákonunga ok marga kappa drepit ok margar borgir brent, ok gerðu it mesta hervirkí í Spánlandi ok Frakklandi; en þá var eigi keisaráríki komit norðr hingat yfir fjallit. Hundings synir hofdu tekit undir sik þat ríki, er Sigurðr átti í Frakklandi, ok váru þeir þar mjók fjölmennir.

VI.

Nú er at segja frá því, er Sigurðr bjóz til bardaga í mótt Hundings sonum; hann hafði mikil lið ok vel vápnad. Reginn hafði mjók ráðagerð fyrir liðinu; hann hafði sverð, þat er Ridill hét, er hann hafði smíðat. Sigurðr bað Regin ljá mér sverðit; hann gerdi svá, bar ek þetta sverð. Reginn bað hann drepa Fáfnj, þá er hann kœmi aptr ór þessi ferð; Sigurðr hét honum því.

Síðan sigldu-vér suðr með landi; þá fengu-vér gerningavedr stór ok kendu þat margir Hundingssonum. Síðan sigldu-vér nökkruru landhallara; þá sám vér mann einn á bjargsnös, er gekk fram af sjóvarhömrum; hann var í heklu grænni ok í blám brókum, uppháva skúa ok knepta at legg, laufspruta í hendi. Þessi madr ljóðar á oss.

Þá viku-vér at landi, ok lægði skjótt veðrit, ok bað Sigurðr karl ganga út á skipit; hann gerði svá, þá fell þegar veðrit ok gerði inn bezta byr. Karl settiz niðr fyrir kné Sigurði ok var mjók makrádr; hann spurði, ef Sigurðr vildi nökku ráð af honum þiggja. Sigurðr kvez vilja, sagðiz þat hyggja, at hann mundi verða ráddrjúgr, ef hann vildi mónum gagn gera.

Ok eptir þat sigldu-vér suðr fyrir Hollsetuland ok fyrir austan Frísland ok þar at landi. Þegar fregna Hundings synir um ferð vára ok safna liði ok verða brátt fjölmennir, ok er vér finnumz, tekz hardr bardagi. Var Lyngvi þeira brœdra fremstr í allri framþongu, sóttu þó allir fast fram. Sigurðr seckir í móti svá hart, at allt hrókk fyrir honum, því at sverðit Gramr verðr þeim skeinuhætt; en Sigurði þarf eigi hugar at fryja. Ok er þeir Lyngvi finnaz, skiptaz þeir mórgum hoggum við ok berjaz alldjarfliga; verðr þá hvíld á bardaganum, því at menn horfa á þetta einvígi; þat var langa hríð, at hvárrgi þeira kom sári á annan, svá váru þeir vígmír. Síðan seckja brœdr Lyngva fast fram ok drepa margan mann, en sumir flýja. Þá snýr Hámundr, bródir Sigurðar, í móti þeim ok ek með honum. Verðr þá nökkr móttaka, en svá lýkr með þeim Sigurði ok Lyngva, at Sigurðr gerir hann handtekinn, ok var hann settir í járn. En er Sigurðr kom til vár, þá verða skjótt umskipti; falla þá Hundings synir ok allt lið þeira, enda myrkvir þá af nótt. Ok þá er lýsti um morgininn, var Hnikarr horfinn ok sáz eigi síðan; hyggja menn, at þar hafi Ódinn verit. Var þá um þat talat, hvern daudha Lyngvi skyldi hafa; Reginn lagði þat til ráðs, at rísta skyldi blóðqorn á baki honum, ok svá var gert. Tók Reginn þá við sverði sínu

af mér ok reist með því bak Lyngva, svá at hann skar rífin frá hrygginum ok dró par út lungun. Svá dó Lyngvi með mikilli hreysti.

þar var almikit herfang; tóku liðsmenn Sigurðar þat allt, því at hann vildi ekki af hafa: var þar mikit fé í klæðum ok vápnum.

Síðan drap Sigurðr pá Fáfni ok Reginn, því at hann vildi svíkja hann; tók Sigurðr pá gull Fáfnis ok reid á brott med; var hann síðan kallaðr Fáfnisbani. Eptir þat reid hann upp á Hindarhéiði ok fann þar Brynhildi, ok fóru þeira skipti sem segir í sqgu Sigurdar Fáfnisbana.

VII.

Síðan fær Sigurðr Guðrúnar Gjúkadóttur; var hann þá um hríð með Gjúkungum mágum sínum. Ek var ýmist með Sigurði eda norðr í Danmörk; ek var ok með Sigurði, þá er Sigurðr konungr Hringr sendi Gandálfs sonu, mága sína, til móts við Gjúkunga Gunnar ok Högsna ok beiddiz, at þeir mundi lúka honum skatt eda pola her ella; en þeir vildu verja land sitt. þá hasla Gandálfs synir Gjúkungum voll við landamæri ok fara aprí síðan, en Gjúkungar biðja Sigurðr Fáfnisbana fara til bardaga með sér; hann sagði, svá vera skyldu. Ek var þá enn með Sigurði; sigldum vér þá norðr til Hollsetulands ok lendum þar sem Járnamóða heitir, en skamt frá höfninni váru settar upp heslistengr, þar sem orrostan skyldi vera; sjá-vér þá morg skip sigla norðan, váru Gandálfs synir fyrir þeim, söekja pá hvártveggju á land upp. Sigurðr Hringr var eigi þar, því at hann vard at verja land sitt Svíþjóð, því at Kúrir ok Kvænir herjuðu þangat; Sigurðr var þá gamall mjök.

Síðan lýstr saman liðinu, ok verðr þar mikil orrosta ok mannskœð. Gandálfs synir gengu fast fram, því at þeir váru bæði meiri ok sterkari en aðrir menn. Í peira liði sáz einn maðr mikill ok sterkr, drap þessi maðr menn ok hesta, svá at ekki stóð við, því at hann var líkari jötnum en mónum. Gunnarr konungr bað Sigurðr söekja í móti mannskelmi þessum, því at hann kvað eigi svá mundu duga. Sigurðr réz nú í móti þeim mikla manni ok nökkurir menn med honum, ok váru þó flestir þess ófúsir. Finnum vér skjótt inn mikla mann, segir Gestr, ok frétti Sigurðr hann at nafni ok, hvaðan hann væri. Hann kvaz Starkadr heita Stórverksson norðan af Fenhringr ór Noregi. Sigurðr kvaz hans heyrt hafa getit ok optast at illu — eru slíkir menn eigi sparandi til ófagniðar. Starkadr mælti: „hverr er þessi maðr, er mik lýtir svá mjök í orðum?“ Sigurðr sagði til sín; Starkadr mælti: „ertu kallaðr Fáfnisbani?“ „Svá er!“, segir Sigurðr. Starkadr vill þá undan leita, en Sigurðr snýr eptir ok færir á lopt sverðit Gram ok lamði hann med hjóltunum jaxlgardinn, svá at hrutu ór honum tveir jaxlar; var þat meizlahogg. Sigurðr bað þá mannhundinn brott dragaz; Starkadr snaraz þá í brott þaðan, en ek tók annan jaxlinn ok hefi ek með mér; er sá nú hafðr í klokku-streng í Lundi í Danmörk ok vegr sjau aura. þykkir mónum forvitni at sjá hann þar. Eptir flóttu Starkadar flýja Gandálfs synir; tóku-vér þá mikit herfang ok fóru síðan konungar heim í riki sín ok setjaz þar um hríð.

Litlu síðar heyrdum vér getit nídingsvígς Starkaðar, er hann hafði drepit Ála konung í laugu. Var þat einn dag, at Sigurðr Fáfnisbani reid til einnarhværrar stefnu; þá reid hann í eina veisu, en hestrinn Grani hljóp upp svá hart, at í sundr stókk brjóstgerðin ok fell niðr hringjan; en er ek sá, hvar hón glóadi í leirinum tók ek upp ok færða ek Sigurði, en hann gaf mér; hafi-pér nú fyrir litlu sét 'petta sama gull. þá stókk Sigurðr af baki, en ek strauk hest hans, ok pó ek leir af honum ok tók ek einn lepp ór tagli hans til sýnis vaxtar hans. Sýndi Gestr þá leppinn ok var hann sjau alna hár.

Óláfr konungr mælti: „gaman mikil þykki-mér at sögum þínum“; lofuðu nú allir frásagnir hans ok frœknleik. Vildi konungr, at hann segði miklu fleira um atburði ferða sinna. Segir Gestr þeim marga gamansamliga hluti allt til aptans; fóru menn þá at sofa.

En um morgininn eptir lét konungr kalla Gest ok vil enn fleira tala við Gest. Konungr mælti: „eigi fæ ek skilit til fulls um aldr pinn, hver líkindi þat megu vera, at þú sér maðr svá gamall, at þú hafir verit við staddir þessi tíðindi; verðr þú at segja sögu adra, svá at vér verðim sannfródari um slíka atburði.“ Gestr svarar: „vita þóttumz ek þat fyrir, at þér mundið heyra vilja adra sögu mína, ef ek segða um gullit, hversu farit væri.“ Konungr mælti! „segja skaltu víst.“

IX.

„þat er nú enn at segja,“ segir Gestr, „at ek fór nordr til Danmerkr, ok settumz ek þar at fóðurleifð minni, því at hann andaðiz skjótt; ok litlu síðar fréfta ek dauða Sigurðar ok svá Gjúkunga, ok þótti mér þat mikil tíðindi.“ Konungr mælti: „hvart vard Sigurði at bana?“ Gestr svarar: „sú er flestra manna sögn, at Guthormr Gjúkason legði hann sverði í gegnum sofanda í seng Guðrúnar; en þýverskir menn segja Sigurðr dreppinn hafa verit úti á skógi; en í Guðrúnarrœdu segir svá, at Sigurðr ok Gjúka synir hofðu riðit til pings nökksurs, ok þá dræpi þeir hann: en þat er alsagt, at þeir vágu at honum ligggjanda ok óvorum ok sviku hann í trygð.“ — En hirðmaðr einn spyrr: „hversu fór Brynhildr þá med?“ Gestr svarar: „þá drap Brynhildr sjau præla sína ok fimm ambáttir, en lagði sik sverði í gegnum ok bad sik aka með pessa menn til báls ok brenda sik dauða. Ok svá var gert, at henni var gert annat bál, en Sigurði annat, ok var hann fyrri brendr en Brynhildr. Henni var ekit í reid inni, ok var tjaldat um guðvef ok purpura, ok glóadi allt við gull, ok svá var hón brend.“ þá spurðu menn Gest, hvárt Brynhildr hefði nökkt kvedit dauð, þá er hón var ekin til bálsins; hann kvað þat satt vera. Þeir báðu hann kveda, ef hann kynni. þá mælti Gestr: „þá er Brynhildi var ekit til brennunnar á helveg, ok var farit með hana nær hömrum nökkrum, þar bjó ein gýgr; hon stóð úti fyrir hellis-

dýrum ok var í skinnkyrtli ok svort yfirlits; hón hefir í hendi sér skógarvönd langan ok mælti: „þessu vil ek beina til brennu þinnar, Brynhildr! ok væri betr, at þú værir lifandi brend fyrir ódádir pínar þær, at þú lézt drepa Sigurd Fáfnisbana, svá ágætan mann, ok opt var ek honum sinnuð, ok fyrir þat skal ek ljóða á pik með hefndarordum þeim, at öllum sér þú at leidari, er slíkt heyra frá þér sagt.“ Eptir þat ljódaz þær á, Brynhildr ok gýgr. þá cepti gýgr ógurligri røddu ok hljóp inn í bjargit.“

þá sqgdu hirdmenn konungs: „gaman er þetta, ok segðu enn fleira!“ Konungr mælti: „eigi er nauðsyn, at segja fleira frá þvílikum hlutum.“ — Konungr spryr: „vartu nökkt med Loðbrókarsonum?“ Gestr svarar: „skamma stund var ek með þeim; ek kom til þeira, þá er þeir herjuðu suðr at Mundíafjalli ok brutu Vífilsborg; þá var allt við þá hrætt, því at þeir höfdu sigr, hvar sem þeir kómu; ok þá ætluðu þeir at fara til Rómaborgar. Þat var einn dag, at madr nökkr kom fyrir Björn konung Járnsíðu ok heilsar honum; konungr tekr honum vel ok spurði, hvaðan hann væri eda hvat hann héti. Hann kvez Sónes heita ok kominn sunnan frá Rómaborg; konungr spurði: „hvé langt er þangat?“ Sónes svaradi: „hér máttu sjá, konungr skúa er ek hefi á fótum — tekr hann þá járnskúa af fótum sér, ok váru allpykkir ofan, en mjók slitnir nedan — svá er löng leid hedan til Rómaborgar, sem þér megud nú sjá á skóm mínum, hversu hart þeir hafa at polat!“ Konungr mælti: „furðu löng leid er þetta at fara, ok því munu-vér apríslu ok herja eigi á Rómáríki.“ Ok svá gera þeir bræðr, at þeir fara eigi lengra, ok pótti hverjum þetta undarligt, at snúa svá skjótt sínu skápi við eins manns ord, er þeir höfdu áðr allt ráð fyrir gört. Fóru Loðbrókarsynir við þetta apríslu ok heim norðr ok herjuðu eigi lengra suðr.“ Konungr segir: „audsýnt var þat, at helgir menn í Róma vildu eigi yfircang þeira þangat, ok mun sá andi af guði sendr verit hafa, er svá skiptiz skjótt þeira fyrirætlan, at gera ekki spillvirki inum helgasta stاد Jesú Kristí í Rómaborg.“

X.

ENN SPURDI.KONUNGR GEST: „hvar hefir þú þess komit til konunga, er þér hefir bezt þótt?“ Gestr segir: „mest gleði pótti mér með Sigurði ok Gjúkungum; en þeir bræðr Loðbrókarsynir váru menn sjálfráðastir at lifa, sem menn vildu; en með Eireki at Uppsöldum var sæla mest; en Haraldr konungr Hárfagri var vandastr at hirdsiðum allra fyrr nefndra konunga. Ek var ok með Hlǫðvi konungi á Saxlandi ok þar var ek prímsigndr, því at ek máttu eigi þar vera elligar, því at þar var kristni vel haldin, ok þar pótti mér at öllu bezt.“ Konungr mælti: „mögð tídindi muntu segja kunna, ef vér viljum spryra.“ Konungr fréttir nú margs Gest, en Gestr segir þat allt greniliga, ok um síðir talar hann svá: „nú má ek segja yðr, hví ek em Norna-gestr kallaðr.“ Konungr sagdiz þat heyra vilja.

Gestr mælti: „þat var, þá er ek var föddr upp með fodur mínum í þeim stاد, er Grœningr heitir — fadir minn var ríkr at peningum ok helt ríkuliga herbergi sín — þar fóru þá um landit völvur, er kallaðar váru spákonur, ok spáðu mónum aldr; því budu margir menn þeim heim ok gørðu þeim veizlur ok gáfu þeim gjáfr at skilnaði. Fadir minn gerði ok svá, ok kómu þær til hans með sveit manna ok skyldu þær spá mér orlog; lá ek þá í voggu, er þær skyldu tala um mitt mál; þá brunnu yfir mér tvau kertisljós. Þær mæltu vel til mín ok sögdu mik mikinn audnumann verða mundu ok meira, en aðra mína foreldra eða hofdingja syni þar í landi, ok sögdu allt svá skyldu fara um mitt ráð. In yngsta nornin þóttiz offítils metin hjá inum tveim, er þær spurðu hana eigi eptir slíkum spám, er svá váru mikils verdar; var þar ok mikil ribbalda sveit, er henni hratt ór sæti sínu, ok fell hón til jardar. Af þessu vard hón ákafa stygg; kallar hón þá hátt ok reidiliga ok bað inar hætta svá góðum ummælum við mik — því at ek skapa honum þat, at hann skal eigi lifa lengr en kerti þat brennr, er upp er tendrat hjá sveininum. Eptir þetta tók in ellri völvan kertit ok sløkti ok biðr móður mína vardveita ok kveykja eigi fyrr en á síðasta degi lífs míns. Eptir þetta fóru spákonur í brott ok bundu ina ungu norn ok hafa hana svá í brott, ok gaf fadir min þeim góðar gjáfr at skilnaði. Þá er ek var roskinn maðr, fær móðir míni mér kerti þetta til vardveislu; hefi ek þat nú með mér.“

Konungr mælti: „hví fórtu nú hingat til vár?“ Gestr svarar: „þessu sveif mér í skap: ætlaða ek mik af yðr nokkura audnu hljóta mundu, því at pér hafit fyrir mér verit mjök lofadír af góðum mónum ok vitrum.“ Konungr sagdi: „viltu nú taka helga skírn?“ Gestr svarar: „þat vil ek gera at yðru rádi.“ Var nú svá gert ok tók konungr hann í kærleika við sík ok gerði hann hirdmann sinn. Gestr vard trúmaðr mikill ok fylgdi vel konungs síðum; var hann ok vinsæll af mónum.

Þat var einn dag, at konungr spurði Gest: „hversu lengi vildir þá nú lifa, ef þú rédir?“ Gestr svarar: „skamma stund hedan af, ef guð vildi þat.“ Konungr mælti: hvat mun líða, ef þú tekr nú kerti, þat er þú hefir frá sagt?“ Gestr tók nú kerti sitt ór hörpustokki sínum, konungr bað þá kveykja, ok svá var gert; ok er kertit var tendrat, brann þat skjótt. Konungr spurði Gest: „hversu gamall maðr ertu?“ Gestr svarar: „nú hefi ek þrjú hundruð vetrar.“ — „Allgamall ertu!“ sagði konungr. Gestr lagdiz þá niðr, hann bað þá ólea sík; þat létt konungr þegar gera, ok er þat var gert, var lítit óbrunnit af kertinu. Þat fundu menn þá, at leid at Gesti; var þat ok jafnskjótt, at brunnit var kertit, ok Gestr andaðiz, ok þótti öllum merkiliðt hans andlát; þótti konungi ok mikil mark at sögum hans ok þótti sannast um lífdaga hans, svá sem hann sagði.